



**mali
kaj**
v Zelini

Čarobni svet

Čarobni sviet

35. SMOTRA
DJEČJEG KAJKAVSKOG
PJESNIŠTVA
“DRAGUTIN DOMJANIĆ”
- SV. IVAN ZELINA 2015.

Priredio
Dr. sc. Ivo Kalinski

Sveti Ivan Zelina,
listopad 2015.

Mala biblioteka
»Dragutin Domjanić«
knjiga 78.

Nakladnik

Pučko otvoreno učilište Sv. Ivan Zelina

Za nakladnika

Ivica Kukovačec

Urednik

Dr. sc. Ivo Kalinski

Naslov zbirke

prema naslovu pjesme Franke Jerbić

Likovni sadržaj

učenici osnovnih škola sudionica Smotre

Likovni urednik

Danko Merin

Grafičko-tehnička priprema

POU Sv. Ivan Zelina

Tiskano u 500 primjeraka

Tisak: Tiskara »Zelina« d.d.

CIP zapis dostupan u računalnom katalogu Nacionalne i
sveučilišne knjižnice u Zagrebu pod brojem 000914983.

ISBN: 978-953-6540-65-5



35. Smotra
dječjega kajkavskog pjesništva
»Dragutin Domjanić«
- Sv. Ivan Zelina 2015.

Na poziv Pučkog otvorenog učilišta Sv. Ivan Zelina za sudjelovanje na 35. Smotri dječjega kajkavskog pjesništva »Dragutin Domjanić« – Sv. Ivan Zelina 2015. odazvale su se 73 osnovne škole s ukupno 455 učeničkih radova. Ocjenjivačko povjerenstvo u sastavu dr. sc. Ivo Kalinski (predsjednik), prof. dr. sc. Joža Skok i dr. sc. Božica Pažur za objavu u ovoj zbirci odabralo je 75 radova od kojih su 34 predložena za javnu izvedbu na završnom događanju Smotre 24. listopada 2015. u Sv. Ivanu Zelini.

Kazalo

Riječi urednika

Ivo Kalinski:

Kako dohvatiti čaroban svijet? IX

Čarobni svijet*

Navečer pri Dravi

Lea Andrašek: Manica	13
Hana Babić: Sončeko	14
Leon Beber: Pokmičilo se je...	15
Leonardo Bedek: Pišem ti ime	16
Maša Begović: Rožice	17
Luka Bek: Duom	18
Magdalena Blagec: Stubički cug	19
Lovro Blažon: Igra močki	20
Manda Bradičić: Šuma	21
Jana Conjar: Božič pred vrotaj	22
Viktorija Crnić: Protuletje	23
Gloria Crnković: Šume	24
Fran Debelec: Mali ftič	25
Helena Dolovčak: Zakaj se moja sestra rihta	26
Noel Drvenkar: Tak je to v Međimorjo	28

Mia Forko: Današnja deca	29
Lorena Friščić: Navečer pri Dravi	30
Barbara Gašpar: Zgubleno	31
Magdalena Gradečki: Dugoselska zima	32
Taša Habulin: Drve	33
Teo Hanžeković: Vrabec	34
Dora Haramina: Čudni tič	35
Lara Herceg: Muaj Snuppy	36
Florijan Jagatić: Pri Šikostu	37
Valerija Jakčin: Kmica	38

Čarobni svet

Ivan Jakovljević: Betežna jesen	41
Stela Jalšovec: Piceki	42
Matej Janeš: Ljetni den	43
Klaudija Jelinek: Zajdi sonce	45
Josipa Jelovečki: Navek nešte nekaj voli	46
Franka Jerbić: Čarobni svet	47
Tomo Kalaj: Kak da v tišine senja	48
Tara Ključar: Dete	49
Marko Knežević: Kad bi...	50
Veronika Koprek: Babica	51
Martin Kos: Hižica na brigu	52
Melanija Kovačević: Štel sam	53
Nika Kovačić: Ftiček	54
Karina Kučan: Jemput sem vidla	55
Karla Kušt: Žveglice	56
Eugen Kvaternik: Guba	57
Rajna Landripet: Jene drieve	58
Stjepan Lazarin: Zdenec	59
Antonia Levak: Vanjkuš	60
Veronika Lipovec: Kromper	61
Leona Malnar: Pitam se	62

Simon Malnar: Starinske alarm	63
Paola Markovčič: Tihana	64
Manuela Mašič: Zornica	65
Manuela Mašič: Osmeh	66

V zagrljaju seja

Marija Miketić: Tičja perspektiva	69
Mihaela Mikulić: Zdonja negda...	70
Ema Novosel: Pravo selsko dete	71
Sofia Pandur: Zipka	72
Tonkica Pervan: Moj mali raj	73
Tin Petreković: Kmica	74
Vjekoslava Petrić: Srp	75
Lovro Posel: Leto	76
Patricija Požgaj: V zagrljaju seja	77
Martina Rabuzin: Ščera, denes, zutra	78
Mateja Sabolek: Zagorski melin	79
Veronika Sambol: Bednjo	80
Ante Spudić: Moja iža	81
Elizabeta Šimunić: Moj dedek	82
Lorena Šporer: Veter	83
Patrik Varga: Želijem si	84
Martina Vidoš: Cug ide	85
Mihael Vnučec: Prije...	87
Vesna Vuksan: Brig nad Dobrom	89
Mateja Zadravec: Mesec	91
Meri Zbašnik: Aden fant me mantra	92
Nina Zbašnik: Čebranka je Koupa	93
Roko Zemljić: Ja, Roko	94
Eva Zenko: Kukavica	95
Lea Žagar: Čabarske kraj	96

Kazalo autora likovnih priloga u zbirci	97
Osnovne škole koje su se odazvale na natječaj	98

*Autori/autorice pjesama poredani/poredane su abecednim slijedom.

Kako dohvatiti čaroban svijet?

I ove će godine za 35. smotru dječjega kajkavskoga pjesništva osnovnoškolci kajkavskoga govornog područja svoju istančanu *ljubav prema kajkauskaj Riječi, prema Riječi općenito* - prema rodnom kraju, prema svojim najbližima, prema školi i školovanju, pri čemu je riječ *kaj* ona koja u sebi nosi i krajolik, i odrastanje, i ljubav, i blagost, i opomenu, i svetost - iskazati kao ikonu koja se štuje, iz koje se živi. U naših mladih i najmlađih stihotvoraca tom se riječi u stihovima/pjesmama nastoji dati viša životna vrijednost.

To naprosto gorljivo nastojanje naših najmlađih školaraca pjesnika/pjesnikinja da se kajkavština (bilo ona zagorska, varaždinska, međimurska, prigorska, gorskokotarska itd.) stvaralački uokviri - velik je *edukativni zalogaj* mentora i voditelja literarnih družina - učitelja, nastavnika i profesora hrvatskoga jezika koji im osim stručnih jezičnih znanja nastoje u srce i dušu ucijepiti i učvrstiti osjećaj ljubavi prema toj prvoj, materinskoj riječi, ukazujući im na činjenicu kako je riznica organskih naših kajkavskih govora nepresušan izvor estetskih, stvaralačkih mogućnosti.

U prilog obostranog *radnog razumijevanja*: učenik - nastavnik ide svakako iz godine u godinu na Smotrama kajkavskoga dječjega pjesništva osvjedočeno pojavljivanje sve to novih osnovnih škola kajkavskoga područja (Ozalj, Petrinja, Vojnić, Rijeka, Moravice itd.), dakako i novih stvaralačkih učeničkih potencijala. Ove godine, na primjer, sedamdesetak osnovnih škola s preko četiri stotine učeničkih pjesmotvora – najviše dosad.

Ono što osobito raduje jest pojavljivanje stihotvoraca najmlađeg uzrasta, onog prvog i drugog razreda. U najmlađih, uz nerijetko naivan ali iskren opis zapažanja pojavnosti svijeta

oko sebe (Hana Babić, *Sončeko*), ali i osobne identifikacije (Sofia Pandur, *Zipka*) ili kako je: *Drieve je naviek liepe,/ ja ga gledim/ i z njim skup pomalu rastem* (Rajna Landripet, *Jene drieve*), oda zavičaju: *Kad šečem po lozi/ od radosti zapopevam,/ dragu hižu i u njoj mamu pogledam!/ To je moj lipi kraj/ di se čuje/ naš stari dobri kaj!* (Martin Kos, *Hižica na brigu*). A kad se prepleću maštarija, igra i stvarnost - čarobni svet u mladu biću diše novim i začudnim ritmom: *Dok navečer lepo/ utonem v san/i krenem v tev svet/ bez mržnje i boli/ s puno ljubavi i veselja,/ srečna sem kak ptičica na grani./ Taj prekrasni svet traje i traje.../ Putujem, bežim, igram se./ No dok naglo otprem oči/ se lepo pobegne, zruši se, nestane./ Jedva čekam noć!* (Franka Jerbić, *Čarobni svet*).

Oblikujući *domačim* riječima svojega kraja tematsko bogatstvo, koje se iz godine u godinu uglavnom ne mijenja, ali se motivima, sve to novim poticajima izabranim riječima čitatelju približuje također na nov način, to se približavanje *čarobnom svijetu stihova*, kad je tako, prepoznaje osobitošću izričaja. Ponekad se u proširenoj tematici učenik stihotvorac služi anegdotalnom zgodom, humorom, čak izokrenutim humorom. Takvih pjesmotvora ima podosta. Dakako, u onih viših razreda, ne izostaje ikonografija ljubavne čeznutljivosti, obično tragične. U mnogih pak pretežu nevine sličice pune emotivnog naboja, bilo da se opisuje krajolik, ljudi, pojave ili s posebnim obzirom blagdanski dan: *Na nebo se nušejo ajngeli,/ A zvezda bleščeča kože pot/ Do maloga Jezusa/ I veseloga Božiča* (Jana Conjar, *Božič pred vrotaj*), ponekad su u nekih stihovi nabijeni uočavanjem socijalnih tegoba koje "moderni" život sa sobom donosi: *V denešnje vrieme/ ljudi se se meje/ smejeju./ Se je više unih koje/ brige moučiju./ Babica i dedik flaše/ z kontejneri prebiraju,/ a ljudi vu fabriku plače/ ne dobiuleju/.../Jedino diete ništ ne razme/ sam si v piesku/ hižice slaže* (Manuela Mašić, *Osmeh*).

Javnom fonetsko-fonološkom recitalnom izvedbom dijela odabranih pjesničkih radova naših osnovnoškolaca kajkavaca, osobito svih odabranih i tiskanih u zborniku kao jedinstvenom dokumentu - još jednom se, već trideset i pet godina zaredom, ukazuje na stalnu potrebu očuvanja i njegovanja ovog dijela naše kulturne baštine.

Ivo Kalinski



Navečer pri Dravi

Lea Andrašek

6. razred, OŠ Breznički Hum

Voditeljica: Vesna Pucak

Manica

*M*ala sem pucica,
zovem se Hanica,
zoveju me Manica.
Mučke čreveke,
kak mučki lagvek.

Rane se zbudim,
mamicu ludejem,
naviek se smejem,
pune frutekof spijem.

Mamica me rad ima,
naviek me kušuje,
z žganci zasiti,
z bomboni miti,
pere me v hipu
a pelja vu džipu.

Gda sem zrasla,
život me nije pazil,
makar me tatek mazil.
Ak' bum postala i babica,
zanaviek bum ostala,
mučka Manica.

Hana Babić


1. razred, OŠ Dragutina Tadijanovića, Zagreb

Voditeljica: Tatjana Kukić

Sončko

V jutro se zbudi
pospano, bledo i slabo,
v poldan fest blešči
sukud zavlači zrake.
Okoli popoldan
zrake svoje rasipa
i se manje greje.
K večerju zmoreno
za oblake polefko prejde,
veliko i črleno
kak da nas pozdravla.

Sunce nas navek prati
makar prejde spati.



Leon Beber

7. razred, OŠ Đure Prejca, Desinić

Voditeljica: Vedrana Gudek

Pokmičilo se je...

*P*okmičilo se je,
zdignul se je veter.
Mama pobira ribizline,
a jas ju gledim.

Pokmičilo se je,
munje su po nebu tancale.
Tata je auto pospravljal,
a jas ga gledim.

Pokmičilo se je,
vsi noriju.
Vsi se bojiju,
a jas stojim.

Odjenkrat sonce
se pokazalo.
Vsi su stali,
a jas – jas sem si zapopeval.

Leonardo Bedek

6. razred, OŠ Oroslavje

Voditeljica: Vesnica Kantoci

Pišem ti ime

*V*saki pesmi
pišem tvoje ime
v tvoje ime slažem
najlepše rime.

Ak je duga
nekteri put kratka
vsaka pesma o tebi
kak cukor je slatka.

Bregi zeleni, stezice vuske
trseki stari, potoček žuboreči -
Zagorje su moje!

Če i nisem pesnik vrli
olofka z srcam piše
Zagorje drago, ime ti
v mojoj duši diše...

Maša Begović,

1. razred, OŠ Dragutina Tadijanovića, Zagreb

Voditeljica : Tatjana Kukić

Rožice

*V*parku gledim
bele, žute i črlene
trnove rožice.
Gda hodim vuz njih
lepo mi dišiju.
Kak da me zoveju.
Dojdi, Mašo, dojdi
frgni si jenu.
Al ja se ne ufam.
Zakaj?
Pa zato kaj bi me
Trni zdrapali.

Luka Bek

8. razred, OŠ A. K. Miošića, D. Voća, PŠ A. G. Matoša, Gornja Voća
Voditeljica: Dubravka Tuđan

Duom

V
rnul sam se tebi,
muoj prelijepi zagorski duom.
Nije me bilo jaku punu lijet.

Vilijeva hižica napušteno stoji,
a Tomijev tanijer z mlekom je prazni.
Nema Vilija, ni Tomija,
ni kokoši koje bi se pasle po briegu.
Lijepe pukušene tranike zamenil je drač,
a zvinuti kolci v guricama stršidu.
Ne čuje se brneje traktora ni motorke,
nema ljudi koji vuni na njivi dijeladu,
a ni dece da se po igralištu igrađu.

Se je punu starih srušenih hiž,
a slivja su puna nepobranoga voća.

Muoj mili duom
jako si se preminiū.
Žalusno je kak si postau
napušten.


Magdalena Blagec

5. razred, OŠ Donja Stubica

Voditeljica: Danica Pelko, prof.

Stubički cug

Beži, beži po Stubice cug,
juška posikut,
pak stane, pak beži,
nišči ne zna kam mu se žuri.
Najemput same vidiš bieli dim
pak misliš si
kam je pobegel
z ljudima tim.



Lovro Blažon

3. razred, OŠ Podturen, PŠ Novakovec

Voditeljica: Spomenka Hranilović

Igra močki

*V*jano zapuščeno dvorišče
Došli su močki,
Dopeljali su se v par zeljenih točki.

Kutoč je janumu v hižu se zaletel ,
A te pak je maček vum zletel.

Drugi su se sam igrali
Kak bebeki mali
I saki svojega repa petali.

Na onoga šteri je opal
Nje su se obazirali
Več su se jan na drugoga pentrali.

Tek potli su primetili
Kaj jan član te vesele družine fali.
Kam bi se mogel skriti? Si so se pitali.

Iskali su ga oni po celome dvorišču
Se dok su ga ne našli i pitali
Kam si dišel, kam?

Unda so si vino spili
I tak vsi bez brige zaspali.
V jutro su se si v krevet poscali.

Manda Bradčić

7. razred, OŠ Rudolfa Strohala, Lokve

Voditeljica: Andreja Marković

Šuma

*Z*imsku jutro.

Kapljicami mrzliga dažja
šuma joka.

A pole, najempot,
proletje pride.

Šuma se smeje na toplimo sonce.

Jana Conjar

4. razred, OŠ Strahoninec, Čakovec

Voditeljica: Ksenija Meglič

Božič pred vrotaj

*S*edim pred oblokom,
Mirno vum gledim,
Vuni pak je se posod snegec.

Ftiči ga ne,
Sonca ga ne,
Ne ga zelenoga listja,
Sam se čuje: Božič pred vrotaj...

Za sobom vleče sona,
A na sonaj žmetna vreča
Štera pak je puna
Smeha, vroči kušleci i veselih popevki.

Na nebo se nušejo ajngeli,
A zvezda bleščeča kože pot
Do maloga Jezuša
I veseloga Božiča.

Viktorija Crnić

3. razred, OŠ K. Š. Đalskog, Donja Zelina, lokacija Nespeš
Voditeljica: Ruža Jurčić

Protuletje

*R*aspopevani tiči
Letiju plavim nebem.

Lubičaste lubičice
I bele visibabe zrasle
Su z zemlice.

Neke životine su se
Več zbudile.

Ispod velikih
Belih oblakov je
Zišla šara duga.

Gloria Crnković

5. razred, OŠ Brod Moravice

Voditeljica: Jasna Šepac, prof.

Šume

*M*ene je enput
deda pravo,
ka san iše mahana bela
i segdi san to divanila.

Kuku so lipe te šume naše
pa ih se neda pozabet.
Ale kaj so sa šume te,
dole, jame, ponikve.

I iše znan ki je smreka bela,
na raskrižje uz pot,
a sa je tan somo stare panj
i male cvetič žot.

Fran Debelec

2. razred, OŠ Mursko Središče, PŠ Peklenica

Voditeljica: Lidija Škvorc

Mali ftič

*N*a črešji sedij,
črešja se črlenij,
a mali ftič se veselij.

Črešje bo si poščukal,
malo se posladil,
pak bu gazdu fkanil.

Jo pak v hlodo ležijm
i istoj črešji se veselijm.

Helena Dolovčak

6.razred, OŠ A. Mihanovića Petrovsko
Voditeljica, Marija Bolšec

Zakaj se moja sestra rihta

*P*ravim se da spim
dok na španpatu ležim.
Sestru spod oka gledim
kak farbe meče na se.

Kreme neakve maže po licu.
Veli da je to puder.
Na oči je maskaru dela,
na kapke razne farbe pometala.
(To sigurno se vredi zapamtiti).

Mislim...
Lice joj se zde svetli
kak božični tronuš.

Trifrtaljne hlače na se je navlekla.
Bluzicu bez rukava.
I još je k tomu pupka pokazala.

Mislim...
Pa tek je pritulet počela.

Zde pak nohte
h črleno farba.
Lasi slaže na glavi
i ptičje gnezdo pravi.

Mislim...

Ona sigurno zna da je to h modi.

Onda si je tak oblečena

našminkana,

zrihtana,

(kak ona veli),

na špampat legla,

h plafon pogledala

i zdehnula:

„Samo da me on hoče pogledati”


Zde sam bez komentara.

Noel Drvenkar

3. razred, OŠ Tomaša Goričanca, Mala Subotica
Voditeljica: Ljiljana Rinkovec

Tak je to v Medimorjo

*P*o grunto se šečejo
Đureki i Katice.
Na kalampero čusijo
kalamperove zlatice.
Pre čmelama so
glavne matice.
A na cvetjo dišijo
lepe črlene latice.



Mia Forko

6.razred, OŠ K. Š. Đalskog, Donja Zelina, lokacija Nespeš
Voditeljica: Diana Brcković

Današnja deca

*D*anašnja deca su jake lena,
Pokvarila ih je tehnologija.

Prije su sima pomagali,
Vu vinograd hodili.

Čitali su pune knjig,
A sad tipkaju po mobiteli.

Vu štali su pajceke ranili,
A sad bi se sa sima stalne svadili.

Se više se kvare
I odraslima gospodare.

Lorena Friščić

6. razred, OŠ Legrad

Voditeljica: Jelena Okić - Premec

Navečer pri Dravi

*P*odvečer, dok severnjak ftihne,
a sonce se spat pospravi,
najlepše si je sesti
na stari trček pri Dravi.

Vodica pomali teče...
Šepče, postiha šumi...
Gda – gda se ribica shiče
od zgor po vodi škropi.

Kraj vode mir i tišina.
Ptičeki več vu gnezdju spiju.
Samo gde koja sova
il šišmiši preletiju.

Črna se kmica spustila.
Postalo je zima, orosila se trava,
a voda diši i teče...
gliboka i črnoplava.

Barbara Gašpar

8. razred, OŠ Sveta Nedelja

Voditeljica: Branka Krajačić

Zgubleno

*D*e je moja krava? Nemrem ju najti!
Ni na dvorišču, ni iza hiže,
a bome ni niti na livade.
Milka, de si?!

A de mi je škrlak?
Ni v hiži, ni v gostioni.
Morti mi je pri Joži ostal!
Nemrem ga najti, kak da beži od mene!

Oj, pa de mi je hiža?
Kam je nestala?
Ko da je v črnu zemlu prepala!

Ej, Baro, Baro, de si?
Ni vrak da si se i ti zgubila?
Nisem valda i ženu pozabil negde?

Magdalena Gradečki

4. razred, OŠ Ivana Benkovića, Dugo Selo

Voditeljica: Gabrijela Pletikosić

Dugoselska zima

K nam je došla
po Selu prošla.
Se je pomela,
a onda si sela...

I sad dok van zideš,
i nekam ideš,
kaput oblečeš,
rukavice navlečeš.

A vani se je
tak grdo i sivo...
Sunce ne greje,
minus se smeje.

A kak je to negda bilo???
Gda je Dugo Selo pravo selo bilo?!
Konjeki su sani vlekli,
mamice su na šparetu štrukle pekli.
Dedeki su peč kurili,
a dečica su se pod nju igrali.

I se je pak bilo
tak tiho i milo,
tak čisto i belo,
tak drago nam Selo!

Taša Habulin

4. razred, OŠ Bedekovčina

Voditeljica: Jadranka Krušelj

Drve

*P*o ljetu si imel
lišče zelene,
na plečima ftičke
žute i črlene.

Dobežala bum do tebe
popela se na granje
popevala ti bum pesmu,
šepnula ti bum svoje sanje.

Spal buš na miru,
z menom vu krilu.
Kad otpreš oči
imel buš pak,
na svojoj glavi
zeleni škrlak.

Teo Hanžeković

1. razred, OŠ „Braća Radić“ Koprivnica

Voditeljica: Vesnica Mlinarić

Vrabec

*Z*budil sem se rano,
dok ste si još spali.
Gledel sem čez oblok,
kak se vrabec mali
sav mokri od dežda
tu vu sušu skril.
Tak je bil sev moker
kak da se je vmil.

Dora Haramina

8. razred, OŠ Sveta Nedelja

Voditeljica: Branka Krajačić

Čudni tič

Sejnala sem čudi sen:
tiči ne letiju,
kak ludi hodiju!

Sejnala sem čudni sen:
cucki kak tiči letiju:
vidim cucka z klempastemi vuhi
maše kak tiček z krili,
leti obr moje stare ruške,
kak veliki bumbar.
Klempase mu vuva brujidu
kak helikopter na nebe.
Čekam da se spusti,
hičem mu šenice,
a on samo leti, leti.
Zovem ga: Cucek! Cucek!
Hodi jest!
Hitim mu kost.
Cucek se spusti.
Dragam ga po glave i mislim:
Čuden si ti tič!

Lara Herceg

4. razred, OŠ Sračinec, PŠ Svibovec Podravski
Voditeljica: Sanja Flegar

Muaj Snuppy

*M*uaj pes Snuppy je ves vražji,
samu diela gluposti.

Moju baku jaku srdi,
tak ka bu se jemput samu zrušila.
Udide nekam i ne vrne se.
Unda ga muaramu si pu redu iskati
i dimu v kuarpici na beciklinu pelati.

Muaj Snuppy je nuari za loptum.
Se nas navlači za noge, z simi se svadi.
Jedinu k mački Beli ne sme duajti,
jer - ne bu dobru.
Soga bu ga zdrapala.

Negda je i dober,
ali jaku kratku.
Unda pa ne da nikumu miera.

Takuv je muaj pes Snuppy.
Kak god nas srdi i nerviera,
jaku ga radi imamu
i ne bi šteli bež jega ustati.

Zatu ve jaku pazimu
da nam nekam z dvurišča ne udide.

Florijan Jagatić

3. razred, OŠ Draganići

Voditeljica: Marina Tržok, razredna učiteljica

Pri Šikostu

*J*am gori, pri Šikostu,
pri svetimu Jurju,
v proleče k'd trava lepo ozeleni,
v trše volim iti.
Rekal je deda
da se i to moram delati vučiti,
a ne kaj neki samo piti.
Tršace treba obrezati, privezati,
a nekad mu malo i zapevati,
da bu lepše raslo.
Al' sejedni, više od dela,
rajše mi je k'd smo pri stelu.
S prijateli k'd po bregu
doli-gori tečemo.
Pak nam deda zakuri oganj,
da na šiba špek i kobase pečemo,
da smo nekaj delali, da rečemo.

Valerija Jakčin

7. razred, OŠ „Grigor Vitez“, Sveti Ivan Žabno
Voditelj: Tomislav Hrebak

Kmica

V mojem se selu kmica stekla,
na oči mi dohaja sen.
Zdavna je sonce prešlo,
zdavna je kimca zamenila den.

Krevet, postelj, zmeglen prozor,
na stolcu sedi mati snena.
Po stolu se miš penja,
žvače koru kruha kaj ga je pripravila mati snena.

Evo, svud se kmica več zatekla
i staru mati v sen odvlekla.
Sam je miš na stolu jel,
gde je tolko mesta v želucu zel?



Čarobni svet

Ivan Jakovljević

5. razred, OŠ Vojnić

Voditeljica: Anica Globan Kovačić

Betežna jesen

*G*da nas jesen dojde glet
tri meseca ne štela vmret.

I nebo pomalu zapira ciferšlus stari,
a kak je nam bez sunca - ono ne mari.

Bormeš, gda jesen plače
dežd lije jake, vse jače i jače.

Zeleni grunt gda prekrije beli mraz
mam bu jesen doživela žmehki poraz.

I šuma kak da je betežna, jer vsaki list je stresen.
A zna se gdo je kriv - betežna jesen.

Stela Jalšovec

1. razred, OŠ „Petar Zrinski“ Šenkovec

Voditeljica: Ladislava Šestak-Horvat

Piceki

*Š*čera na večer
baka me nazvola:
„Stela, piceki su se zvalili!“
Celu noć sam ne mogla spati
i mom sam jih štela popetati.
Vjutro sam se
i prije vure zbudila.
Piđamu sam si slekla
i odma sam se oblekla.
Dok sam došla
deda me v šupu otpelal.
„Petnojst ih je“,
stiha mi je rekel.
Sikakši su bili:
beli, črni, žuti, črleni.
Janoga črnoga sam si na roko dela.
Vesela sam bila
jer sam i jo ve
prove provcete piceke mela.

Matej Janeš

3. razred. OŠ Jabukovac, Petrinja

Voditeljica: Ivana Švragulja

Ljetni den

*D*enes je bil lepi i veder den,
Al je bila pasja vručina.
Sam su deca norela,
A čkomili su stari i živina.

Pod starom črešnjom
Deca se igraju
I najslajših črešnjica
Puna vusta skrivaju.

Stara klet gledi
Kak se redi lepe zeleniju!
Dekle veselo popevaju
I gizdavo se držiju.

Samo vraga iščeju
Ti dečaci naši
V sakoј gluposti
Pravi su pajdaši.

Stalno jaditi
Seoske pese,
Fletno poskočiti
Prek sake lese.

Hodati okoli puta,
Okoli sebe zgledati
I susedu se
Črešnje pohusati.

Popevalo se tak veselo
Se dok sunčece ni za breg zašlo,
Se dok sako dete
Ni soju hižu našlo.

Klaudija Jelinek

7. razred, OŠ Molve

Voditeljica: Marija Halaček, prof.

Zajdi sonce

*Z*ajdi sonce
za nizino,
mojo Podravino!
Za male goričke brege,
dok igrajo hegedede.
Sonce tanca,
tri koraka sim,
tri koraka tam;
Japa je legel,
srce si ftegel -
zutra je nov dan!

Josipa Jelovečki

3. razred, OŠ Ivana Grande Soblinec, PŠ Adamovec

Voditeljica: Ankica Dmejhal

Navek nešte nekaj voli

*S*tari japa voli svoju babicu,
Vrabac voli svoju vrabicu.
Stara babica voli svoju hižicu.

Navek nešte nekog voli,
Dijete voli svoju igračku,
Miš voli živeti.

Mamek voli japeka,
A mamek i japek vole svoju decu.
Navek nešte nekaj voli.

Franka Jerbić

6. razred, OŠ Ludbreg

Voditeljica: Ljudmila Kladić, prof.,

Čarobni svet

*D*ok navečer lepo
vtonem v san
i krenem v tev svet
bez mržnje i boli
s pono ljubavi i veselja
srečna sem kak ptičica na grani.

Taj prekrasni svet traje i traje...
Putujem, bežim, igram se.
No dok naglo otprem oči
se lepo pobegne, zruši se, nestane.
Jedva čekam noć!



Tomo Kalaj

5. razred, OŠ Brezovica

Voditeljica: Mirjana Rajter

Kak da v tišine senja

Če je velika, če je moala,
če je nova, če je stoara,
vu nje se živi, vu nje se spi,
vu nje se život provodi.
To je hiža mega deda,
to je hiža mega tate.

Dedina hiža je moala i stoara,
bez roafunga i zrcala.
Moala su okna, nahereni krov,
al topla i mierna kak da v tišine senja.

Tatina hiža je velika i bleščeča.
Velika su okna, veliki goajniki,
a još veći krov iz terega prčiju
roafungi i balkoni kak da suncu trucieraju.

Tara Ključar

2. razred, OŠ Dragutina Domjanića, Sv. Ivan Zelina

Voditeljica: Željka Peras

Dete

*N*ajlepše na svetu je biti dete.

Dete vse more.

Dete se smeje i igra,

v školi se vuči

i z drugima vse deli.

Dete je ljubav

i ljubav prima.

I samo negdar

manjše brige ima.

Saki dan raste.

Ročice z prijatelima plete.

Najlepše na svetu je biti dete.

Marko Knežević

5. razred, OŠ Mate Lovraka, Petrinja

Voditeljica: Ljubica Šubić

Kad bi...

*K*ad bi vas nešči pital
da li je včera pri vas dešč curel koj bi mu vi rekli?

Ja bi mu rekel da pri nas včere ne dešč
curel neg je sonce sjalo.

Kad bi vam nešči rekel, hoj k mene,
kaj bi vi napravili?

Sigurno bi mu rekli da naj prestane
engleski pripovedati
kak sam ja svojem dediju znal reči,
a ja bi dišel k njemu.

Kad bi vam nešči rekel da ste zamusikani
kaj bi vi napravili?

Sigurno ne bi znali kaj napraviti,
ali ja znam jer me je moja
baka to navčila.
Ja bi dišel v kupaonu i lice si opral kaj bum
lep i čist,
a ne zamusikan.

Veronika Koprek

7. razred, Osnovna škola Petrijanec

Voditeljica: Martina Škrinjar, dipl. učiteljica razredne nastave i
hrvatskoga jezika

Babica

*K*aplica pu kaplica
z nijaba curi.
Bijale črte. Grmi.

Babici sreče više ni.
Z druge strane poste
nišči ne spi.

Niti dežd više ne curi.
Samu se babica
k dediku žuri.

Martin Kos

4. razred, OŠ „Slava Raškaj“ Ozalj

Voditeljica: Jasminka Žabčić

Hižica na brigu

Hižica na brigu
baba i dida u njoj,
lipoj, malenoj.

U štali koze, ovce,
a kokice i pure
po dvorišću jure.

Kokotičak Jurek
moju seku lovi,
ona beži da ju ne ulovi.

Tam vuz hižice
su zelene lozice.

Kad šečem po lozi,
od radosti zapevam,
dragu hižu i u njoj mamu pogledam!

To je moj lipi kraj
di se čuje
naš stari dobri kaj!

Melanija Kovačević

4. razred, OŠ Stjepana Basaričeka, Ivanić-Grad

Voditeljica: Ivana Vlahek

Štel sem

*Š*tel sem cucak biti,
al bum maček ostal.
Zakaj bi se menjal
kad sam takav postal.
Cucek samo laje,
malu decu plaši,
a ja i selska deca
velki smo pajdaši.



Nika Kovačić

5. razred, Osnovna škola Sračinec

Mentor: Mirela Briševac

Ftiček

*F*tiček več pupievle,
a meni se još zievle.
Tie jeguv zvuonki glasik
došiu mi je kak stari klasik.
Cielu selu je zbudiu,
nieje glasa svega kriiu.
Kričau je i kričau,
al je nikumu nie smietau.
Ni ja ga puzabila ne bum nigdar,
tuo najlepši mi je juternji dar.

Karina Kućan

5. razred, OŠ Legrad

Voditeljica: Jelena Okić - Premec

Jemput sem vidla

*J*emput sem vidla jenega konja
kaj grde zube ima,
a tak lepo se smije pred sima.

Jemput sem vidla jenu kokoš
kaj na riti jeno žoto pero ima,
a fali se z njim pred sima.

Jemput sem vidla jenu prasicu
kaj črne piknje ima,
a kaj mis hoda dvoriščem pred sima.

Još bum barem jempot vidla
nekaj smešnega koli sebe.
Brigati se naj, još je ni smehu kraj !

Karla Kušt

5. razred, OŠ Marija Bistrica

Voditeljica: Melita Petriš Banovec, prof.

Žveglice

*V*liepem mojem kraju
Stalne čuješ deteču graju.
Jooj, kak je to liepe čujti
- kak tičji cvrkuti!

Gda leptirek zaklopoče,
A frulica zafruli,
Tak me v srcu stisne,
A v dušice tuplina zabuli.



Eugen Kvaternik

5. razred, OŠ Ivana Zajca, Rijeka

Voditeljica: Slavica Sučić, prof.

Guba

*P*od listjen je zrastua vilka guba,
s počitka sen mislu da je truba.
Nejsen ni vidu da gnile,
pestiu sen jo zak mi se smile.

Huadu sen naprej do prvega pajna.
Najšu sen lepa dva vrgajna.
Pahetou sen damu da ih osnažen,
vržen ih na uole, pa ih smažen.

Rajna Landripet

5. razred, OŠ Donja Stubica

Voditeljica: Danica Pelko, prof.

Jene drieve

*N*i velike ni male
baš po prave mere.
V saku dobu leta
mienja farbu listja.
V protulet je biele,
v lete je zelene
i male jabučice skriva.
V jesen jabučice pocrveneju
i čakaju branje,
a ja to rada imam.
Gda jabuke poberemo,
kite ostaneju guole.
V zime opet liepe postaneju
gda drieve posipa bieli snieg
i svetleči mraz.
Drieve je naviek liepe,
ja ga gledim
i z njim skup pomalu rastem.

Stjepan Lazarin

7. razred, OŠ Dragutina Domjanića, Sv. Ivan Zelina
Voditeljica: Dubravka Antunica Jeličnić, prof.

Zdenec

*K*raj puta stoi stari zdenec
sav obrasel v trave i draču.

Više nište ne tojči vodu z nega,
niti krepi blage kraj nega.

Si su zabili na stari zdenec.

Više nejdu svati kraj nega,
niti deca kaj v školu ideju.

A denes denes je tužne,
denes si letiju, nekam se žuriju,
a nikam ne dojdu.

Stari zdenec se to gleda,
posluša i čkomi.

Antonia Levak

8. razred, OŠ Vugrovec-Kašina, Kašina

Voditeljica: Dijana Dill

Vajnkuš

*Ku*š, kuš moj vajnkuš
Zapri usta da ti perje ne zleti!

I kad sam v škole ja te se setim...
Fališ mi i teške mi se od tebe rastati
I najrojši bi ostala na tebe spati...

Kuš, kuš, moj vajnkuš,
Čim ga glediš zaspal buš.

Navek je za me tu
V dobru i vu zlu.

Menjala ga ne bi ja za niš,
Zato si od njega iš!

Kuš, kuš, moj vajnkuš!

Veronika Lipovec

6. razred, I. osnovna škola Vrbovec

Voditeljica: Ivana Koletić

Kromper

Cvetek je mali
na vrtu spal,
dok sonce ogreje
on se bu stal.

Korenje bu pustil
čez piriku,
ak' ne bu mogel
bu prosil motiku.

Bu steral zlatice,
hitil ih poskrivce,
v jutrešnje rose
bu vmil ličece.

Plode bu dal
lepe okrogle,
cvet bu mu spal
i sem bu rogle.

A tak nam je fini,
to nije fer!
Vu zemlju zarini,
buš našel kromper.

Leona Malnar

5. razred, OŠ „Vladimir Nazor“, Sveti Ilija
Voditeljica: Maja Priher

Pitam se

*P*itam se, pitam
kakvi je to posel poštar biti,
cele dane nikaj ne delati
i na motoru se pelati?

Pitam se, pitam
kakvi je to posel dimnjačar biti,
cele dane sreču drugima nositi
i zmazani biti?

Kak pa bi to bilo pek biti,
kruh i žemlje peči,
sam po noči delati,
a po danu spati ?

A trgovec?
V dučanu treba stati,
lepo se smejati,
dare zamatati.

Pitaju me kaj bi ja štela biti.
Meni je najbolje ovak kak je:
nikaj teško ne delati,
malo se vučiti
i na posel nigdar iti.

Simon Malnar

6. razred, OŠ „Petar Zrinski“ Čabar, PŠ Prezid
Rezika Jašarević, prof.

Starinske alarm

Adon tičok (armjen i črn) saku jutro
me bedi.

Pride na vejo
pad majen uaknen
i papejvko svajo
zažvrgali.

Paslušan ga
makar be še spou,
al' lejpje se stat
ku te teč zbedi
nego na mobitele alarm.

Paola Markovčić

1. razred, OŠ „Petar Zrinski“ Čabar, PŠ Gerovo
Voditeljica: Tamara Vukić, dipl. učiteljica RN

Tihana

*I*man ano pajdašico,
Kiro iman rada ku šniclo!

Skuze smo skep,
Je život nan je lejp!

Nikgdar se ne karamo,
Lepu se jegramo i
Iste frizure imamo.



Manuela Mašić

6. razred, OŠ Vidovec

Voditeljica: Sanja Biškup, prof.

Zornica

*V*uni nigdi nikoga,
sigdi je kmica...

Sam se babe stare budiju
za zornicu, ka peju
moliti krunicu.

Još i đurik spi,
samo pejs v dvurišču tuli...

Bieli snieg pod
škornjami škripi, a crkveno
zvono zvoni.

Vu cirkvi se moli,
popevke se popevleju.

Babice sebi v bradu
molitve mrmlaju.

Je, teško se je stati i
Bogika zaran moliti.

Posle meše velečasni
ih se pofali,
a sigurno buju i nešterni
trači pali...

Manuela Mašić

6. razred, OŠ Vidovec

Voditeljica: Sanja Biškup, prof.

Osmeh

Vdenešnje vrieme
ljudi se se meje
smejeju.

Se je više unih koje
brige moučiju.

Babica i dedik flaše
z kontejneri prebiraju,
a ljudi vu fabriki plače
ne dobivleju.

Siromahu na obločecu
strgane fieringe stršiju,
a pre direktoru
teške i nakindane
visiju.

Jedino diete ništ ne
razme, sam si v piesku
hižice slaže.

Srečno je, a jengov osmeh
ne laže.



V zagrljaju seja

Marija Miketić

5. razred, OŠ Marija Bistrica

Voditeljica: Melita Petriš Banovec, prof.

Tičja perspektiva

*K*ak veliki vali
Kaj se na morju zibljeju,
Tak se moji bregi
Jeden za drugim nižēju.

Kak velike brokule
Okol njih šume stujiju,
A v njimi vnuoge živine
Mirne spiju.

Male njive,
Nektere zorane, nekte poune drača.
Te, vse vekše hiže
V terima je i smieha i plača.

Če se pitate
- Kaj to ona veli?

Tak vam muoj kraj
Z oblaka zgledi.

Mihaela Mikulić

7. razred, Osnovna škola Podturen

Voditeljica: Tajana Gašparić

Zdonja negda...

*Z*putre se vino pilo,
A vodom zdenom lice se hmilo.
Sneha opravo z ripljom prola na Muri,
Z rokama v mrzloj vodi šlafuri...

A denes? Brneš pipo, topla voda teče,
Na lice dišeči sopon se meče.
Vužgeš mašino, oprava se zopere,
Sake štiri leti novi se precednik zbere.

Mamica v nedeljo pogačo domočo spečejo,
Vnukeci jo ništ poslušati nečejo.
Oni bi v trgovino dišli po Milka pogačo,
Nikomu denes neje za storo štahačo!

Telefoni kučni i mobilni, to i druge bedastoče,
Prodoje se se kaj ti srčeke oče.
Na ovomu svetu se se spremenilo...
(Sam kaj nam nabo nekaj naškodilo.)

Ema Novosel

6. razred, OŠ Šemovec, Trnovec Bartolovečki

Voditeljica: Maja Vitković

Pravo selsko dete

*P*ravo selsko dete je kaj tačke zna peljati,
al ž njima, bormeš, i bedastoče delati.

Pravo selsko dete more v šumi čubeti celi den...
Prek potoka skakati i ne se zgubiti.

Pravo selsko dete zna i traktor vužgati,
pak susedu malo zemlju zravhati.

Pravo selsko dete zna i v blato skakati,
a ne se za saku sitnicu plakati.

Mobiteli i internet selskoj deci ne trebaju,
oni v prirodu glediju.

I ž njom živiju.

I zato vam velim ,
gradsku decu -
v drugu kategoriju delim.

Sofia Pandur

1. razred, OŠ Hodošan, Donji Kraljevec

Voditeljica: Anastazija Anka Balent

Zipka

*D*ok sam bila malo dete
rado sam se v zipki njihala.
Mati me zibala
i stiha mi popevala.

Ve sam školarka
i velido da mi se
več ne šika v zipki biti.
No, ja se negda i denes
išče do zipke dovlečem,
poskrivečki se v njo
nekak zavlečem,
polefko se zanjišem
i svoje sne
v zipki pišem.

Tonkica Pervan

6. razred, OŠ Vugrovec-Kašina, PŠ Vugrovec

Voditeljica: Renata Budak Lovrić

Moj mali raj,
Moj mali svet –
Moja hižica.



Tin Petreković

6. razred, OŠ Sveti Križ Začretje

Voditeljica: Monika Šalec, mag. edu.

Kmica

Črne se kiesi,
Hude bakače
Ispod postelje skriva.

Male dece
Zvirek je straha
Njegva čudna črnina.

Kot sakuga kuota
Skriva stare priče
Pune maljih tajni.

A skore saka ma-
Poruku,
Spomen detinjstva.

Vjekoslava Petrić

8. razred, OŠ Ludbreg

Voditeljica: Ljudmila Kladić, prof.

Srp

Kaplice sozi kapale so
po dedekovom srpu.
On je merno ležal na svojem
poslednjem počivalištu.
Ve si je valda odehnul od sega posla i sih brigi!
Šeptala sem: "Nigdar te nem zobila,
navek buš mi ostal v najlepšoj uspomeni."
S tem srpom kosil je travu za pajceke i mladinu.
V dva tri zamahanja njegove spretno roke
naprovila se velka vrpca dišeče trove.
Dok bi v jutro donesel bale v štalu,
odrezal bi z njim špagu
i obesil ga na štolna vrota.
Cela štala bi zadišala po friškom senu
i podojenom mleku.
Mi deca spili bi si malo mleka,
fkrali bi mu špoge,
nagonjali se po dvorišču i igrali.
I tak je bilo z dena v den.
Leta bežiju, deca rosteju, fletno bodo ljudi!
Još čeka, obešeni, na vratima štale hrđavi srp.
Štala zjopi prozna,
a vu frižideru, v huhnji, stoji tetrapak z mlekom.

Lovro Posel

6. razred, OŠ Sv. Martin na Muri

Voditeljica: Sanja Novinščak

Leto

*S*unčko greje,
cirkva zvuni.
Ftički popevlejo,
jostreb lovi.

Na gmajni sem
i na vrbi sedim.
Deca lejčejo,
a potoki tečejo.

Črveki po kauri plozijo,
a pužeki pa slinijo.
V potoko ribe plavajo
i žabe krekečejo.

Pomalen se kničij
i mama me zove
ka mauram
spot !

Patricija Požgaj

7. razred, OŠ „Vladimir Nazor“, Sveti Ilija

Voditeljica: Maja Priher

V zagrljaju seja

*N*a kraju dana
sonce se počivati otputuje i nastane kmica.

Da zaprem teške kapke,
spod mojega vajnkuša popevleju najboljše
rock zvezde,
iza zprtih vrat za moju se roku boriju
najzgodneši junaki na belim kojima
i se je kak v hipnozi.
Zlatni anđeleki dragaju me z mefkim rokama,
a paperje z jihovih kril pleše nočni valcer.
Zvezde z neba zalukavleju čez moj oblok
i bleščiju v norim farbama,
a po nebu putuju zaigrane duše
v mesečevim kolima.

V zoru se sonce iza bregi zdigne
i zvleče me z toplog zagrljaja seja.
Opremi oči,
vuni je opet
obični
beli den.

Martina Rabuzin

7. razred, OŠ Ljubeščica

Voditeljica: Ivana Nogić

Ščera, denes, zutra

Ščera sem bila vu vrtiču,
denes sem v školi,
a gde bum zutra?

Ščera sem se igrala z medekima,
denes sam po mobitelu visim,
a kaj bu zutra?

Ščera sem bila sama,
denes imam brata,
valda zutra nem pak sama?!

Onoga ščera rad se zmislím,
ovo denes mi je liepi dar,
a kaj bu zutra, to je zagonetka!

Mateja Sabolek

7. razred, OŠ Novi Marof

Voditeljica: Sunčica Križan-Kadi, prof.

Zagorski melin

Vrti se, vrti
zagorski melin.
Na poteku gde voda ga tira,
kloponče, škripi, kolo vrti,
drvene lopatice spira.
Škriple šenica kak trudni žuli seljaka.
Pomalem se kamen vrti,
spod njega melja curi
i diši.
Mefka kak duša, tenka kak senja
v struganji pobožno prebiraju roke.
Spod peke dišiju
naših seljaka moke.
Vrti se, vrti
zagorski melin.

Veronika Sambol

7. razred, OŠ Franje Serti, Bednja

Voditeljica: Emilija Zagrajski-Maligec, prof.

Bednjo

Nujljiepsi kemauček sviato,
ljiepo mo Bednjo.
Tuj sum sa redilo,
tuj ma moti ethrunilo.
Tuj jua Trokeščun ne briegu
i jezere v jorku.
Briegi su eke nja,
kok v begnjecu uono ja.
Sounce zlotne ju grija,
eblauk čarni ju skrieja.
Marzlji dež ju vmija,
veter ju pepuhna.
Ze nevieku bu ljiepo estaulo,
ze nevieku bu tuj stolo –
nujljiepsi kemauček sviato,

ljiepo mo Bednjo.

Ante Spudić

2. razred, OŠ Barilović, PŠ Leskovac Barilovički

Voditeljice: Lidija Gojak Pavlić

Moja iža

*J*učer je bil torak,
U jutro smo jili mliko i kruv.
Onda sam s tatom
išal sijat šencu.

Doma imamo cucka,
U štali su bikovi
A u silos mečemo kukurzu.

Teta Josipa je pekla kruv
Od tatine šence,
Prvo je napravila testo, onda ga je spekla
I svi smo ga pojli!

Elizabeta Šimunić

6. razred, OŠ „Ljudevit Gaj“ Krapina

Voditeljica: Mira Benc

Moj dedek

Nemrem ga narisat,
samo mogu o njemu ljepoga pisat.

Črne mustače on je mel,
z njimi se kak gospon praviti štel.

Jenoga dana same je pal
i zanavek zaspal.

Bil je dober kak lek,
vu našim bu srcima ostal zanavek.

Prešle je pune let, njegva nas vura i dalje budi,
a mojega dedeka več ni.

Lorena Šporer

8. razred, OŠ Ljudevita Modeca, Križevci

Voditeljica: Danijela Zagorec

Veter

*V*eter ludi od snočka je pihal,
niščem mira ne daje,
se je po dvorišču razmetal.

Nišče ga ne fali,
štetu dela svugdi,
taj veter ludi
celu nam je hižu zbudil.

Hižin škrljak - konec
po konec makivlje,
japu od vetra kosti bole
pak pomoč dozivlje.

Jedino mi deca
veter rad imamo,
z njimi gibanicu vruču
navek ohladimo.

Patrik Varga

5. razred, OŠ I. K. Sakcinskog, Ivanec, PŠ Tina Ujevića, Salinovec
Vditeljica: Valentina Posavec Kovač

Želijem si

Želijem da v mem kraju
Naviek ftičeki popievaju,
Da mrtulji naviek letiju
I na saki cviet sletiju.

Želijem da v mem kraju
Naviek njive rodiju,
Da potoki bistru vodu imaju
I nigdar ne presušiju.

Želijem da v mem kraju
Sončkeke naviek svieti
I sakem čoveku pamet rasvieti,
Da pozabili nigdar neju
Kak je liepe v mem kraju.

Martina Vidoš

6. razred, OŠ Stjepan Radić, Božjakovina
Voditeljica: Biserka Fruk

Cug ide

Cug ide, prolazi kraj moje
Hiže. Tak jake projuri kak
Da ga nešte lovi.
A v njemu su si,
Em mladi, em stari.
Babice, dedeki, đaki kaj
Putuju v školu. Stare bake
Kaj na plac idu prodati male sira, vrnja, jajec. Da si
Zarade, da bi imele od čeg živeti.
Morti neki
Idu i na posel s cugom, i si baš meni
Mašeju z nutra.
Dragi moji, cug vam je
Postojal još pred puno leti.
On je bil glavni za prevoz,
Štropotal je jake i črni dim pušćal.
Leti kak strela
Po brdu i dolu.
Cug se naposluša
Sakojackih razgovorov.
Prevaža i one šutlive
Teri jedva čekaju
Da ih nišče niš ne pita.
I one brbljave
Kaj ne znaju stati govoriti.
I teri maltreteraju se.

Kondukter z veliku torbu
I v lepem odelu,
Šilt kapom na čelu
Hodi po celome cugu.
Zoveju ga još i kartodrapec
I ne dal ti Bog
Da nemaš kartu.
Denes se karte
Ne drapleju.
Treba ih same pokazati
Zoveju se zate pokazi.
Če nemaš kartu – pokenzi
Letel buš z glavenzi
Van na prugenzi.
I ode tvoj cugenzi!

Mihael Vnučec

8. razred, Osnovna škola Vladimir, Nazor Budinščina
Voditeljica: Jasmina Čukelj

Prije...

*P*rije su ljudi z male srečni bili.
V hiže stare se pobožne molili,
perje su čijehali, koruzu ruždili,
kartali se, smejali,
litricu, dvije si popili.

Pomagali su jen drugomu,
bili si kak brati.
Si za jenoga, a jen za se kakti.

Dece je onda pune sele bile,
a kad se išle na posel
i deca su v ruke dobila vile.

Prije su dekle išle na potek viješ prati,
a fakini za njimi da bi ih poskrivečki mogli lukati.

Traktorov i autov nije još bile,
z voli i krava se orale i v šumu hodile.
Prije su deca od svoje brače obleku nesila
i toga se nijesu ništ sramila.

Prije je to nekak se drugač bile,
veselile se, smejale i se je v redu bile.

A denes drugač je se,
jeni za druge vremena nemame.
Penez nigdar dosta nije,
deca ne poslušaju stariješe kak prije.
Ništ nam nije praf i
same gundrame.

Da se bar vrneju oni cajti
kad sme se mogli najti,
sesti, spominati baš kak brati.



Vanesa Vuksan

4. razred, OŠ „Slava Raškaj“ Ozalj, PŠ Mali Erjavec
Voditeljica: Lenka Tanevski

Brig nad Dobrom

*K*ak je lip
taj moj brig,
koji stoji tam
kraj mojih njiv!

Tam stoji
teče navik,
čista, brza,
Dobra mrzla.

Tam na brigu
hiže stojiju
u njima moji
stari živiju.

Stari su,
slabi su,
delati ne mogu,
jisti, piti, tancati –
to po malo mogu!

Tam ljudi stari
ruške jiju
i sto let doživiju!

Ledine naše
Dobra zaliva,
tam se moja
baba umiva!

Od mojega kraja
lipšega ni
od briga nad Dobrom
na kojem
živim!

Mateja Zadavec

8. razred, OŠ A. i I. Kukuljevića, Varaždinske Toplice
Voditeljica: Ana Lodeta

Mesec

V črnoj noči
z krova,
z žleba
na me
žoti mesec
vreba.
On si mirno
sleče zokne,
z neba dve-tri
zvezde čokne.
Kaj prijatelj
mi namigne,
v luft me digne.
Nigdo drugi
da ne čuje
kaj mi šepče:
Zapamti, dete,
življenje i dnevi lete.
Al nigde ni tak lepo
kak vu Zagorju
biti dete!

Meri Zbašnik

7. razred, OŠ „Petar Zrinski“ Čabar, PŠ Tršće
Voditeljica: Ingrid Žorž, prof.

Aden fant me mantra

*N*a Fejzbuke sen
sake dan.
Glidan če je
aktivan uan.

Čakan
da me se jave.
Valda na misle
da me gnave.

Al prehajajo dnive,
a neguve poruke nej...
Jest mo nabun pisaua.
Tu naj vej!

Hmale bu skužu
da mo tega
nej buo sile...

A jest se bun najšua
druzga fanta,
zak me ta
mau preveč mantra.

Nina Zbašnik

2. razred, OŠ „Petar Zrinski“ Čabar, PŠ Plešce
Voditeljica: Katarina Leš, dipl. učiteljica RN

Čebranka je Koupa

Čebranka je Koupa
tu so rejke dve,
te dougo tječejou
uod koda postoji svejt.

Čebranka je Koupa
lepu šemijo,
rade imajo ledi
ko blizu nih živijo.

V teh rejkah
ribice živijo,
a ribolovci ih sake dan
zos udico uovijo.

Pa dane je pa nuoče
saka rejka tječe,
ko dož pada,
je ko sunčke pječe.

Roko Zemljić

4. razred, OŠ „Petar Zrinski“, Šenkovec

Voditeljica: Vesna Golub

Ja, Roko

Ja sam
mali Roko.
Živim v Šenkovcu
pre potoko.

Rad pomorem sima,
i storim mamicama i dedekima.

Z pajdoši
po gmajni lopto nagojam
i sikakše bedastoče spelajam.

Znote,
doma jenoga maloga pajceka imam
s šterim se jako štimam
da mu vjutrano rano
v kopanjo ščavu sipam.

I tak...
To sam vam ja –
mali Roko
šteri živi tam v Šenkovcu,
pre potoko.

Eva Zenko

2.razred, OŠ Ivana Grande, Soblinec, PŠ Adamovec

Voditeljica: Vesna Martinuš

Kukavica

*S*tigle je protuletje.
Šuma se razelenela.
Pogleč! Vrnula se kukavica!
Išče gnezde!
Po celi dan kukuče: ku ku, ku ku!
Moj dedek je srečen.
Bu lepe lete, veli,
Kad se vrnula kukavica.



Lea Žagar

8. razred, OŠ „Petar Zrinski“, Čabar

Voditeljica: Marina Hrga-Arh, prof.

Čabarske kraj

*V*rejdne ledi v majmo kraje živjo,
dejvajo v šume je na njive.

Uohku so je suabe vule,
al' ke gredo ven v šumo,
prec jen je bulje.

Priroda jeh zes svajme zvukmen miluje,
je vejter dodiruje.

Dok čez šume i livade prehajajo,
stare pute djetinjstva spit gazjo.

Je ke poglidan nazaj,
viden se duobru.

Za se kaj me se je priperiu v letmu kraje
več ne sumnjan,
jest pripadan letmu zavičaje.

Kazalo autora likovnih priloga u zbirci*

- Str. Autor/autorica ilustracije, razred
osnovna škola
3. Klara Sotler, 3. razred
OŠ "Petar Zrinski", Šenkovec
11. Antonio Kušić, 8. razred
OŠ Marija Bistrica
14. Emanuel Novak, 1. razred
OŠ "Petar Zrinski", Šenkovec
19. Ema Fruk, 3. razred
OŠ Stjepana Radića, Božjakovina
28. Hana Jankulija, 4. razred
OŠ Tomaša Goričanca, Mala Subotica
39. Marija Kardaš, 4. razred
OŠ Jabukovac
47. Jana Krušelj, 1. razred
OŠ Bedekovčina
53. Ana Marčec, 3. razred
OŠ Tomaša Goričanca, Mala Subotica
56. Nina Gregurić, 5. razred
OŠ K.Š. Đalskog, Donja Zelina
64. Barbara Novak, 3. razred
OŠ Tomaša Goričanca, Mala Subotica
67. Josipa Jajčević, 6. razred
OŠ Vojnić
73. Hana Jankulija, 3. razred
OŠ Tomaša Goričanca, Mala Subotica
88. Valerija Jakčin, 7. razred
OŠ "Grigor Vitez", Sv. Ivan Žabno
95. Gabrijela Strelar, 3. razred
OŠ K.Š. Đalskog, Donja Zelina

** Zbirka je ilustrirana cjelovitim radovima i fragmentima
učeničkih radova škola sudionica natječaja Smotre*

**Osnovne škole koje su sudjelovale na natječaju
35. Smotre dječjega kajkavskog pjesništva
"Dragutin Domjanić" - Sv. Ivan Zelina 2015.**

1. OŠ Andrije Kačića Miošića, Donja Voća,
PŠ Antuna Gustava Matoša, Gornja Voća
2. OŠ Antuna Mihanovića, Petrovsko
3. OŠ Antuna i Ivana Kukuljevića, Varaždinske Toplice
4. OŠ Barilović, PŠ Leskovac Barilovički
5. OŠ Bedekovčina
6. OŠ „Braća Radić“, Koprivnica
7. OŠ Breznički Hum
8. OŠ Brezovica
9. OŠ Brod Moravice
10. OŠ Donja Stubica
11. OŠ Draganići
12. OŠ Dragutina Domjanića, Sv. Ivan Zelina
13. OŠ Dragutina Domjanića, Sv. Ivan Zelina, PŠ Komin
14. OŠ „Đuro Ester“, Koprivnica
15. OŠ Dragutina Tadijanovića, Zagreb
16. OŠ Dragutina Tadijanovića, Petrinja
17. OŠ Đure Prejca, Desinić
18. OŠ Franje Serta, Bednja
19. OŠ „Grigor Vitez“, Sveti Ivan Žabno
20. OŠ Hodošan
21. OŠ Ivan Benković, Dugo Selo
22. OŠ Ivana Gorana Kovačića, Delnice
23. OŠ Ivana Grande, Soblinec, PŠ Adamovec
24. OŠ Ivana Kukuljevića Sakcinskog,
PŠ Tina Ujevića, Salinovec

25. OŠ Ivana Zajca, Rijeka
26. OŠ Jabukovac
27. OŠ Koprivnički Ivanec
28. OŠ Ksavera Šandora Đalskog, Donja Zelina
29. OŠ Legrad
30. OŠ „Ljudevit Gaj“, Krapina
31. OŠ Ljubeščica
32. OŠ Ludbreg
33. OŠ Ljudevita Modeca, Križevci
34. OŠ Mahično
35. OŠ Marija Bistrica
36. OŠ Mate Lovraka, Petrinja
37. OŠ Molve
38. OŠ Mursko Središće, PŠ Peklenica
39. OŠ Novi Marof
40. OŠ Oroslavje
41. OŠ „Petar Zrinski“, Čabar
42. OŠ „Petar Zrinski“, Čabar, PŠ Gerovo
43. OŠ „Petar Zrinski“, Čabar, PŠ Plešće
44. OŠ „Petar Zrinski“, Čabar, PŠ Prezid
45. OŠ „Petar Zrinski“, Čabar, PŠ Tršće
46. OŠ „Petar Zrinski“, Šenkovec
47. OŠ „Petar Zrinski“, Šenkovec, PŠ Mačkovec
48. OŠ Petrijanec
49. OŠ Podturen
50. OŠ Podturen, PŠ Novakovec
51. OŠ Rudolfa Strohala, Lokve
52. OŠ „Slava Raškaj“, Ozalj

53. OŠ „Slava Raškaj“, Ozalj, PŠ Mali Erjavec
54. OŠ Slavka Kolara, Kravarsko
55. OŠ Sračinec
56. OŠ Sračinec, PŠ Svibovec Podravski
57. OŠ Stjepan Radić, Božjakovina
58. OŠ Stjepana Basaričeka, Ivanić Grad
59. OŠ Strahoninec
60. OŠ Sv. Martin na Muri
61. OŠ Sveta Nedelja
62. OŠ Sveti Križ Začretje
63. OŠ „Sveti Petar“, Orehovec
64. OŠ Šemovec
65. OŠ Tomaša Goričanca, Mala Subotica
66. OŠ „Vladimir Nazor“, Budinščina
67. OŠ „Vladimir Nazor“, Sveti Ilija
68. OŠ Vidovec
69. OŠ Vojnić
70. I. OŠ Vrbovec
71. I. OŠ Vrbovec, PŠ Rakovec
72. OŠ Vugrovec - Kašina
73. OŠ Vugrovec - Kašina, PŠ Vugrovec

Čarobni svet





Cijena: 35,00 kn



7895361540655